


潛州集

半部彙三刻

PL  
2705  
A9A6  
1689  
V. 6









誥授奉政大夫提督江南學政按察司僉

事劉公墓誌

并銘

公劉氏果諱毅卿字一字木齋晚號樵雲老人  
始祖諱福明弘治中自礪山徙諸城數傳至文  
學公諱思智邑庠生是爲公會祖再傳爲文林  
公諱通邑庠生贈行人司行人公之祖也父奉  
政公諱必顯累官戶部廣西司員外郎以公貴  
封奉政大夫四川司員外郎加一級母鄭懿母  
孫俱贈封宜人奉政公四子公其次也生有異



徵六歲就家塾授以書不能讀惟昏昏思睡一日有黃冠至門索其弟子公偶出黃冠執手孰視口若有所屬忽辭去公自是日誦數百言終身不忘十歲應童子試文甚奇受知邑令秦公長有勇力善馬射時當大亂公關弓向賊發必應弦緣此屢免奉政公於難亡何太贈公以罵賊死鄭宐人以全節死公奉奉政公從弘光帝南渡主表伯鄭琅軒侍御家侍御勸奉政公仕不應因謂公才一試行間可致通顯公辭曰家



世業儒雖未能以文章名世終不敢投筆事戎  
寔見當時君相用人行政皆非遠圖不欲涉迹  
其中也數月知

本朝定鼎始從父北歸家徒四壁立蓬蒿沒人  
略不一顧惟發憤下帷揣摩既就三試有司咸  
激賞其文補博士弟子未試之前有欲代爲居  
閒者公不從曰進身之始不可苟也可以知公  
志矣順治甲午舉於鄉戊戌成進士奉政公以  
行人使粵東公聞祖母王太宜人病不俟廷



試馳歸侍湯藥者兩閱月無倦容及卒衣襚棺  
歛必誠必信父亦得無遺憾巳亥 殿試名在

二甲需次五年甲辰謁選得太原府推官公以  
職司民命時存矜愼讞牘山積皆目閱手批未  
嘗輕假他人署內埽除一室空無所有惟書灑  
岡阡表夜燭治官書一段于壁每定一爰書必  
讀一過故獄無冤滯丁未奉裁缺之 命解任  
明年選河閒知縣河閒畿輔邑夙爲盜叢公下  
車卽以未結前案受罰公曰身爲民牧而忍驅



之爲盜邪。爲之清額賦。均力役。無藝之征。悉革除之。舊稅不登。擇負多者杖於庭。公嫌其過重。訶隸人曰。此催科非懲姦也。蒲鞭示警。已非初心。汝欲偕此立威名乎。釋之。庭下觀者數百人。爭相告曰。真吾父母也。上賦失時。致累父母。吾輩非人矣。不十日而額課全完。又力行保甲法。使人自爲防行之。逾年。逋盜屏息。鄰邑不逞之徒。亦以河間有神君相約。勿踐其境。庚戌。皇上時巡畿甸。未至河間百餘里。微行田舍。問。



守令孰賢。邨民以河閒令對入境。

上復微行。憩臥佛寺。見一老儒。問如前。老儒曰。我生七十年。從未見賢如劉令者。頃之扈從。畢集羽林。飲飛之衆。震耀禪扉。始知其爲。

上也。老儒仆地不能起。

上令扶去之。卽日召對。公俯伏。駕前。

上命騎馬後隨。以便顧問。先問年次。問出身。

次問歷俸。次問河閒。徭糧條目。公奏對稱旨。

從行十餘里。又問汝平遷應得何秩。優擢應得。



何秩。天語溫文。不殊家人。又從行十里。命  
回縣辦事。旋論吏部云。朕田獵畿南。訪知河  
間。知縣清廉。愛民才具優長。着從優議敘。部議  
以臺省用緣承緝前案未結。格於例擬。以主事  
用。遂升刑部江西司。莅任卽以才能推擇。修  
大清律時。大司寇濟南艾公桐城姚公皆一時  
名臣。每事必虛已咨之。然後行。癸丑奉命權  
關九江。是歲十月。滇逆發難。郡人惶駭。走匿山  
谷。多爲盜憎。公與郡守江公共謀戒諭。填撫之。



人心始安次年復命轉本部四州司員外郎  
丙辰遷本部浙江司郎中己未擢江南按察司  
僉事提督學政江南號才藪求雋過亟閒墮時  
趣公乃與翁寶林先生取有明大家之文適勁  
可法者決擇二百餘篇名曰文起版行之且論  
以文必已出剽襲塗墍者抑置下駟由是風氣  
大變復古有機矣詎意歲籥未更以宅孫宐人  
憂歸里禪除後宐補監司公念奉政公年高決  
計不出朝夕扶持奉敦牟進甘旨又於舍後闢



蕪園春秋佳日柳暗花明輒奉奉政公游醺其  
中公率子孫繞邨上壽奉政公亦怡然爲進一  
觴也定省餘暇卽教兩弟讀書如是者十三年  
奉政公年九十三以疾卒公時亦六十有六矣  
猶作孺子泣鬻產營葬哀禮咸備晚年思京輦  
舊游乘興一往亡何歸來精神奕奕飯後必幅  
巾藜杖行散阡陌閒易簣之日猶坦步先塋於  
奉政公墓隧相地形以樹碑版入室未久瞑目  
溘息翛然逝矣公神儀岸異疎眉目美鬚髯人



以髯仲呼之。居官剛勁。不可撓折。與人交。初若難合。久之。更樂其坦易。長於言語。謦欬作洪鐘聲。遇是非曲直。辨說揮霍。一坐盡傾。少以意氣自豪。赴人之急。甚於已私。或以險難告。脫手數百金。不自顧計。尤重友朋交游。幾徧海內。出則飾衣馬。盛儼從老來。斂退匿迹。溪邨出入。駕秃尾草驢。長吏經年不一見其面也。公生於天啟七年十一月初一日酉時。卒於康熙三十八年八月初五日子時。得年七十有三。葬於所居邨。



北父墓之域中卽其卒之明年十一月八日也  
配王氏贈安人龔厲氏封安人子男子紳燦國  
學生綸煥縣學生縉燦尙幼女一字孫維泳孫  
男九堅塗垚堡堅堅整臺塋孫女六系之銘曰  
前法吏後儒臣著聲蹟簡

帝心使其材克盡而志獲信詎難爲耳目而作  
股肱奈何遽就子舍終老海濱於乎惜哉斯人  
也而厯以孝聞

傳神寫照自班馬中來



澤少集

七

樹樓



曹智千墓誌并銘

余別業爲杞子故國南去十五里雙峯矗立若  
人弛擔然是爲擔山余所居自來草閣適與相  
對清曉卷書坐臥其間時見高稜山之北麓有  
大墟落曹氏聚族於此而智千君其最著也君  
十有一歲而孤事母至孝出應童子試卽冠其  
儕偶復就試郡城母倚門而望至損眠食君自  
是不敢爲出疆之行亦遂絕意進取母以亂後  
迷其鄉族君子竟外多方物色得戚黨數人歲



時過從以慰母意母好操作老而彌勤君屢諫  
不聽遇母親蠶事凡炙箔窖繭捉績練絲君胥  
以身先之母惜其勞卽爲少休一妹夭亡母痛  
之幾不欲生每噉然而哭君輒應聲長號母哀  
亦爲頓減其委曲承順皆此類也母寢疾竭志  
營療顙天請代卒不諱室中服用未嘗移置至  
臥榻枕簟夜設曉斂一如平日旣葬猶然又以  
祖父蚤世不逮養祭祀以時出入必告嘗料揀  
藏籍忽整衣拜前命子拜後詔之曰書中二字



汝曾王父手澤也。敢慢易視之乎。其內行如此。至與人交。落落穆穆。不以握手出肺肝爲信。然好爲人緩急。排患釋難。傾身瀝腎弗卹也。晚年尤與余善。余居杞城無事。卽過其田廬。不則遣童子招之。使行。余必凭闌以待。其阡陌術徑。經行之迹。可數。每至東灣。輒望見之下樓相迎。成歡然一笑也。及君沒而莫與往來。益使人有荒邨寂寞之歎矣。君諱士俊。智千。其字青州安丘人。曾祖一豸。祖應鐸。父亮。三世皆邑庠生。以文



行有聞母劉氏娶于周子男一蒙古邑廩生娶  
劉氏女三適田穢劉家驥韓知健孫男三助勤  
勰孫女一君卒于康熙三十七年四月十五日  
辰時距生崇禎五年九月十八日申時得年六  
十有七於其卒之歲十月十八日將葬君擔山  
之先塋蒙古具狀謁銘於余其何忍不銘銘曰  
儒其行而俠其骨耶才蹕厲而遇詰屈耶四尺  
之墳君所息耶後有過者能勿式耶

往來成二老此段可畫



李太公墓誌 并銘

余邑自前代以來人才輩出然耕牧之家絕少  
崛起者必讀書制行積累數世始發科第李氏  
其一也李氏居安丘遠有代序至諱擇中者崇  
禎丙子中山東鄉試副榜有丈夫子三長之朴  
邑庠生次之楷年十二有聖童之譽早以次卽  
太公太公生五十七日而孤七歲奉母馬孺人  
之教就外傳授以經史過目不忘弱冠屬文輒  
爲輩行所推旋以第一人補邑博士弟子再以



試最旣學宮一時髦士束贄北面者幾半邑中  
卽其人素不相習苟挾行卷是正無不依傳傳  
注丹鉛甲乙隨資開導初未嘗覺其爲煩其訓  
子尤嚴而有法督以文行不少假借丙子秋長  
君仁壽遂領鄉薦雖累世之績學敦德將於此  
觀成實由太公之善教也太公諱之懋字仲勉  
溪中隱厚與人交有終始其接人煦煦口出氣  
若惟恐傷下至僕隸亦不輕以聲色相加其事  
親也盡志與物其處兄弟熙熙怡怡終身無間



言長兄丘嫂晚年皆病太公晨夕省視藥餌必  
親及太公示疾而兄嫂之病篤戊寅九月二日  
未時嫂卒次日丑時兄卒太公聞之痛貫心骨  
後二日巳刻太公卒矣昔歸震川誌居懋士勉  
之墓謂其家期月之間遭三喪觀者太息淚下  
曰若居氏之死者如是而世猶多人何也抑世  
人之擾擾而君獨可以死邪今太公名字旣與  
居同而其壘遭三喪乃在四日之內余執筆志  
之能不俛仰三歎乎余與太公生同里閭長而



交好今春閒居與劉崑右曹實菴馬竹船諸君  
修睢陽五老吳興六老之會招太公入社是時  
太公方從事制科業期應督學試後始踐斯約  
豈意其試事甫畢遽就泉壤且太公久困諸生  
間至食稟垂三十年而不及貢以老惜哉太公  
以康熙三十七年九月五日終距其生崇禎十  
七年十月十七日得年五十有七娶於宋龔孫  
再龔曹子男二長仁壽康熙丙子山東舉人娶  
於曹次仁宅尙幼女二長字周而助次尙幼仁



壽於其卒之歲十一月二十六日將奉太公之  
匱合葬西郭祖塋之次排纘行略先事請銘不  
可辭故最其生平序而銘之銘曰

士之爲善者雖幽鬱而弗伸其潛德隱行久而  
必聞遲速顯晦誰謂不在其後之人

那得此恰好典故供其點染似有神助文之  
體氣亦了不異震川



澤州集

卷二

樹樓

文學張君墓誌并銘

萬曆中吾邑有鄉先生曰張公諱文炫以進士  
起家仕至河西道副使鄉行宦蹟人人能言之  
公自釋褐迨今且百年而門第無改孫曾猶彬  
彬世衿裾業雖其似續之賢然亦可以見公之  
所貽者遠也憲副公生文學公諱鄰斗娶於孫  
有丈夫子三君其長也諱六奇字六一晚號默  
翁文學公爲憲副公愛子憲副公出守松江文  
學公時適相從生君宦邸君生而警穎承傳家



學蚤列庠序且工書擅翰墨聲邑人咸目屬之  
以爲能亢其宗者也亡何憲副公亾山東大亂  
文學公竟歿於兵君携家出避山澤間及反舍  
而構櫨宗廟咸燬下材田園就荒白地若甌脫  
家之食指衆苦無以給朝夕乃貸粟族中間以  
釜庾相假皆身自轉運於百里外一日遇賊平  
原邨關弓相向矢貫左手幾危有識君者曰此  
張佛子孫也舍之張佛者鄉里以號憲副公也  
亂小定恐兩弟失學延名師誨之皆補博士弟

子各爲娶婦。始析箸。李安人沒。尙遺庶祖妣王君迎。致於家事之甚備。餘九十歲而終。生養殯葬。未嘗諉之諸父也。季弟六華出爲叔父後。不善謀生。其產日挫。孫孺人憂形於色。君意覺之。割腴田百畝贍之。人以爲難。尤嚴取予。嘗有賈客貿君粟。所授價倍其直。賈不寤。旣去而君始知。追之不及。逾月其人復至。以原錢還之。賈謝曰。世有卓行君子。不圖於吾身。親見之也。其所爲皆此類。君性倜儻。少喜任俠。多竟外交。遇人



急難。傾身赴之。晚而自悔。杜門簡出。端坐一室。  
埽地焚香。案上古書數帙。體中佳時。脫復涉略。  
了不以世事爲意。君之得逾大耋。靜而延年。非  
其明驗歟。君旣開八袞。豐頤渥顏。視聽步趨。充  
然壯容。觀者無不以爲百歲人。丁丑人日。傷脾  
作泄。然非劇疾。十九日忽呼其子曰。亟昇吾櫬。  
來將自位置。父子相聚止此兩日矣。味爽自起。  
盥沐伏謁先祠。又謂若嵩。詰朝寅卯間而父歿  
矣。而父歿。汝能上承祖德。毋改耕讀而父無恨。

吾。死。人。以。橫。逆。相。加。汝。不。與。校。吾。亦。無。恨。語。畢。  
就。寢。日。未。出。形。神。已。離。寔。康。熙。三。十。六。年。正。月。  
二。十。一。日。卯。時。也。距。其。生。萬。曆。四。十。二。年。十。一。  
月。六。日。子。時。得。年。八。十。有。四。娶。昌。樂。貢。生。高。公。  
閔。之。女。卒。先。君。二。十。八。年。側。室。劉。氏。子。男。一。人。  
卽。若。嵩。邑。庠。廩。生。劉。出。娶。諸。城。諸。生。王。公。鎖。女。  
君。卒。之。又。明。年。三。月。三。日。若。嵩。將。合。葬。君。于。邑。  
東。小。莊。之。祖。阡。具。狀。問。銘。君。視。余。二。十。年。以。長。  
少。日。與。君。同。居。南。郭。望。衡。對。宇。數。共。晨。夕。厥。後。



余雖遷去。然猶不廢言。而君見余之始。余見君之終。相知已深。而君之子若嵩。又好從余游。時得考論其世故。取而爲志。不盡以其狀也。銘曰。出自北門。再折而東。曾不一里。宰如其封。是吾默翁之幽宮。於乎爲善而無近名。康寧而以考終。用報先生何足。以臧有子式穀天意。或在乎其中。

修辭古藻錯落可誦

敕贈文林郎山西潞安府平順縣知縣吳

公墓表

予束髮結客於濟水南所兄事者一人曰吳君西濤任俠自喜勇於爲人家無儋石之儲而千里誦義焉久之悉其家世凡君所爲皆由君父獻明先生高文大節黹炙漸漬行能以成而非特其天資之卓犖也君旣謝世其長子長榮豁達樂易有祖父風好從予游一日出所纂王父行實謁予文以表其墓曰吾先子意也遂不敢



辭先生諱凱獻明其字一字旋公其先自棗強徙長山曾祖諱貴不仕祖諱文魁永平訓導父諱三戒階州學正兩世皆以卓行載郡邑志母高孺人先生賦才倣儻志意恢闊弱冠爲諸生卽好讀左氏太史公及兩漢諸史眎場屋之文鬼瑣不足措意篤於內行事母純孝邑中人士上其行於兩臺表以棹楔兄嘉訓早世遺子珪最幼先生哀其孤露爲延名師而親課其勤惰尋補學官弟子又割已產之半贍之珪年八十

餘終其感先生之恩稱先生之德猶不容口先生既以文行著聲四方名勝或過於陵必停車披帷詩酒流連不忍去一時守令亦以先生爲奇士多折節下之先生則封域自守未嘗有一箋干請也天啟辛酉試於鄉爲本房孫公昌齡所首薦主司以語觸忌諱寘之甲子復以內艱不與試事先生妻困鎖院有某公者逆奄魏忠賢私人也語先生曰以君之才爲某公幕客舉鄉薦由反手也先生叱之曰吾徒屈首受聖賢



書。有。向。刑。餘。人。覓。生。活。邪。新。城。王。季。木。先。生。爲。  
作。長。歌。紀。其。事。學。宮。故。隣。縣。治。令。某。欲。取。其。隙。  
地。爲。馬。房。令。貪。而。橫。無。敢。與。言。者。先。生。獨。力。爭。  
之。令。曰。吳。生。閉。門。讀。書。不。與。外。事。相。關。乃。亦。爲。  
是。斷。斷。邪。先。生。曰。學。校。禮。法。之。地。欲。以。勢。斂。安。  
得。不。言。令。見。其。占。對。慷。慨。知。不。可。彊。事。迺。寢。先。  
生。剛。正。不。阿。遇。事。發。憤。皆。此。類。也。先。生。晚。年。遇。  
愈。蹇。識。愈。高。而。傷。心。於。時。事。之。難。爲。也。與。范。忠。  
文。公。景。文。雅。故。以。書。寄。之。條。上。五。事。其。目。曰。武。

弁。宐。加。優。禮。腐。儒。不。宐。備。兵。閹。宦。不。宐。監。軍。巴。  
蜀。功。多。冒。濫。遼。民。宐。加。撫。卹。累。數。千。言。皆。切。中。  
國。家。利。害。蓋。先。生。負。魁。雄。之。才。于。時。政。得。失。纖。  
悉。畢。見。雖。晻。鬱。無。所。設。施。而。曾。中。耿。耿。終。難。閔。  
默。故。藉。筆。札。以。少。露。其。經。濟。之。萬。一。要。之。徒。寄。  
空。言。豈。先。生。意。中。事。哉。於。虐。天。下。大。計。廟。堂。不。  
知。而。草。茅。能。言。之。草。茅。雖。言。之。而。廟。堂。終。亦。不。  
能。行。也。此。明。事。之。所。以。不。可。問。歟。崇。禎。戊。寅。兵。  
躍。二。東。薄。長。山。居。民。皆。走。散。先。生。獨。畱。佐。縣。令。



纂嚴城守十二旦二十八日援絕城陷先生被  
執不屈死年五十有一順治庚寅冬葬于縣南  
長白山之東麓葬之十八年以子貴贈文林郎  
平順縣知縣娶沈氏封太孺人後先生三十年  
卒子一人琯卽西濤君己亥進士平順內丘兩  
縣知縣孫三人長榮州同知長源太學生長齡  
邑庠生曾孫四人存恪奕蔚際臨遵讓餘詳志  
狀中康熙三十八年夏六月大暑日契家子安  
丘張貞表

敕封文林郎山東青州府臨朐縣知縣呂

公墓表

代

蓋歲柔兆之困敦封臨朐縣知縣亮公呂公沒  
且葬其子主政君立齋旣請李閣學爲之誌李  
殿讀爲之傳矣而復屬余文其隧道之石當

先皇帝順治辛卯翰公公令日照以最超爲儀  
部員外郎余時官京師慕其爲人遂與締交  
是爲公兄

今天子己巳立齋令臨朐刑德竝流聲聞齊魯



間值徵天下才可爲給事御史者守相臺察競  
上君名 召至闕下則以俸淺稍不應格授部  
主事亦與余善余與公家兩世知交皆以道義  
而兩循吏前後分符又俱隸青郡與敝邑接境  
覆露拊循實維桑梓分訟固不薄矣忍不一言  
以慰孝子遂依行狀考次其世族官封學術德  
行與其生卒子姓以哀其墓其世族官封曰公  
姓呂氏襄袞名字亮公大名長垣人高祖棠曾  
祖志祖兌父永樂贈奉直大夫始娶支贈太宐

人生一子暨娶史封太宐人生三子公其季也  
總角明惠善屬文出應郡試卽冠其儕伍應督  
學試卽補郡博士弟子尋食旣縣官應省試輒  
不利爲諸生祭酒者餘四十年以子貴封文林  
郎山東青州府臨朐縣知縣其學術德行曰公  
蚤失怙事母至孝兄弟怡怡曲盡友愛當析箸  
公辭不得物產取其瘠惡者兩兄先後逝哀慟  
幾不欲生撫其遺孤及從孫輩無異已出其生  
業功名婚嫁爲之周旋經紀皆底于成公性醇



篤好修長者之行衣服飲食崇尚澹素而雅樂  
施予有輒散之貧者取諸公若寄也公末歲駸  
駸顯重矣然不以貴色喜所與交賤而少我者  
折節下之皆能依傳禮義主政君令胸五載數  
遣人迎公公訖不就養唯貽書戒之奉職而已  
君敬謝教唯謹以故君治行卓然而公亦獲自  
安于山澤中也其生卒子姓曰公生前明萬曆  
四十八年七月十三日卒今康熙三十四年正  
月二十一日春秋七十又六子其卒之明年九

月某日葬某所某原娶李氏封孺人有子三長  
卽主政君名非虎女二孫男四孫女五曾孫女  
三所婚嫁多令族詳具誌狀中烏虜吾觀於公  
而知夫復始者之不易也。蓋公自高曾以來。孝  
弟力田。爲善于家者數世矣。至公而家庭稱其  
敦睦。庠序重其文學。鄉閭黨友頌其爲大人。爲  
長德。是其所以貽後者視夫任宣之害粟樊候  
之樹漆不亦大逕庭哉。今主政君方貴仕於  
朝其顯揚光大之者一命再命知不足以究其



積之厚而沾漑之靡窮也余故爲表其墓曰有  
魏君子呂公之墓使後之徵行者有考焉

潔甚

誥授奉政大夫陝西臨洮府同知高公墓表  
高子任吾邑篤行士也書其祖同知臨洮府事  
諱應玠字明珍之行治伐閱世次來請曰吾高  
氏世爲邑之興福里人後徙城西土山之麓家  
焉吾祖奉政公之曾大考諱瀛不仕大考諱攀  
以明經官高郵州學正考諱惟嵩邑廩生用公  
貴贈奉政大夫臨洮府同知生三子公居第三  
贈公沒時長兄六歲次四歲公二歲耳生母孫  
宐人卽世繼母王宐人鞠愛教敕亡間昕夕一



日呼諸子而詔之曰汝三人早孤族屬視同几肉今幸皆游庠序門戶有託矣然吾之望於汝曹者實不止此公感其言奮自底厲不數年學已足用時譽殷然邑中才彥求業者雲擁其門成就甚夥尋應順治八年恩貢考授通判緣人闕壅滯改選浙江東陽縣丞境內時有竊發城門晝掩令選悞方詰窘乏策公語令曰捕盜雖非吾責而其所蹂躪者則吾民顧聽之邪令始請于制府遣兵討捕其黨解散賊魁王思鸞逸

去公伺其夜歸親率鄉兵掩捕之鸞力窮又將  
潰圍去公目健兒射之中右臂遂成禽兩臺材  
公交章尉薦遷臨洮府同知駐河州職司茶馬  
時楚黔用兵需馬甚亟動繩以軍興法羌人遠  
處塞外縱之則偃蹇迫之則鳥獸散公結以恩  
信茶至卽發馬至卽驗吏胥無所售其奸中外  
悅服迄公任無後期者地處西陲風氣勁悍催  
科少急輒起異謀營卒雖云告變寔相引恫喝  
爲重公刺得其狀召營將責之曰兵以衛民汝



不能靖亂。乃幸亂。若此。豈不聞程課。若輩爲吾職掌乎。罔有悛心。以片紙達軍門。立殲若矣。營將氣奪。公適攝守。事察其倡亂者。痛懲之一州。肅然。州產皮裘吏。茲土者。歲製至數百襲。商賈不勝困。有粥及子女者。公約同官。悉予平直。是後歲製僅數十襲矣。其潔已愛民。皆此類也。順治辛丑。遇覃恩。授奉政大夫。贈父母俱如其秩。公念以明經。荐歷民社。晚而從政。榮及所生于分。已足七十。老翁尚復何求。遂移疾歸。公旣歸。

闔門埽軌不復言及居官時事惟日與田父野  
老話桑麻量晴雨以自娛樂素彊無疾雖躋大  
耄猶善飯庚辰除夕忽淡悶干嘔次日病革家  
人欲召醫診治公曰吾行年九十方以考終命  
爲幸但使吾子孫能靜以修身儉以養德可含  
笑入地矣奚藥爲越五日神識不亂遽然而逝  
生萬曆二十年四月二十一日卒康熙二十年  
正月初六日得年九十元配王氏贈宜人龔王  
氏又龔劉氏封宜人子二人榆庠生模孫八人



任庠生文炳庠生文燾文烈价侗庠生修估曾  
孫十一人塋監生均坪堅監生埭塋坤塋墅基  
增元孫九人士孝士忠士泮士廉士雅士毅士  
弘士恭士哲卒之歲十月十二日葬于邨東先  
塋之次公天性敦厚內行尤篤痛贈公不逮養  
事母至孝疾不緩帶居喪哀毀盡禮奉兩兄恂  
恂恭謹終身無幾微忤仲兄沒其子柝亦相繼  
沒貧不能葬夸衾牆窆悉倚辦于公卹其孤嫠  
廩假進退昏嫁有無無不自己出者其處人也

一以平恕橫逆之來犯而不校長者之行遠近  
稱焉有司聞之皆式其閭四舉鄉飲賓采輿論  
也任之述公者如此余識公在其拂衣之後每  
有事西鄉遙見公廬輒喜典荆之在望或遇於  
場圃阡陌閒必下馬相揖公卽延入其室茶話  
益久容色益恭不以余之少賤少損其敬夫亦  
可以窺公之爲人矣余所爲徇公孫之請表而  
志之不忍牢辭者也康熙四十一年三月望日  
同里張貞表



奉政公世所稱深中隱厚者哉文中敘其居  
官臨事遇大難大疑言下立決寫得鬚眉俱  
動然後知其經濟實學不可與姝姝煖煖徒  
襲長者之虛聲者同日語也

起手古

王徵我先生墓表

吾邑濰水之東有兩山焉。南北相望如恒衡之對峙。前爲峽予家聚族於此。後爲岵王氏一姓寔所託處。王氏門第之高。旣非他姓可埒。而徵我先生尤王氏之嶽嶽者也。先生奇珍諱徵。我字其上。世莫攷始祖。饒明初來安丘。擇岵山之勝家焉。數傳爲大父九式。再傳爲父尙。佐隱居不仕。而賦性倜儻。好與賢豪長者游。出行里社。衣裳整肅。風儀岸異。人莫不目屬之。娶於周生。



丈夫子五先生最幼七歲而孤內受母教外與  
其兄文海日夜鏃礪十四補博士諸生一門蒸  
蒸敦謹以文雅相高遠近慕焉壬午變起兄弟  
羣從俱罹鋒鏑未幾伯兄圖閣又爲怨家所中  
俾司邑庫明季敝政縣令旦夕之費唯庫吏是  
問上官緩急之需唯庫吏是問至臺察贖鍰賦  
不以時者亦無不於庫吏取盈也故凡領是役  
者家立毀圖閣衰病之餘遭此慘酷莫能支柱  
先生慨然以身代之庫中舊貯四百金贖鍰也

邑宰劉公借充別賦上供劉適遷去攝令焚其籍督使代償力辯不聽訟之守守納令賄亦不聽迨入

本朝石觀張公來令吾邑值錄科奇先生文拔前茅始白其冤而免其役季兄早世遺孤四人撫育教誨不異已出及諸孤遇害其產應參亨而三分之先生獨不問其子難之先生曰此產爲汝季父故物每一念及輒悲不自勝汝復欲與羣從銖量寸計我心滋感矣脫令季父愁遺



一子汝將何覲乎。淚隨言下。其子乃止。先生自免役後。以日暮塗遠。讀書益苦。文亦益工。試必壓其儕偶。人皆以爲晚榮可期。而先生病且死矣。生以萬曆甲辰五月初五日卒。以順治戊戌二月十二日年五十有五于其卒之歲十二月。初十日葬所居邨東南陽之阡。配李懿。張又懿。趙二子。汝實。汝和。縣學生。四女嫁。綦日宣于蕃。李案林。郎養重。六孫。維繩。維念。俱縣學生。維繼。維述。維憲。維昭。三孫女。六曾孫。於虜今人。家庭。

有慨其言

燕處誰不知有兄弟及貨財當前爭端斯啟夫  
兄弟而至爭財始之相視如塗人終必相遇若  
寇讎矣天倫之愛尙復何有先生情淡急難奮  
不圖軀下至胥吏賤役亦且低頭以就之其視  
田園闢茸直長物耳故雖毅然讓產大訟章章  
寧足爲先生多哉又讀邑志篤行傳稱先生持  
已以恭接人以誠排患周急惟力是視爲一惡  
少無端齟齬將甘心焉先生濺自避匿賦詩紀  
事命子書之終不言其姓名嘗赴省試歸蒼頭



齋其行橐至澠河沙磧中爲盜所掠尋知爲先  
生物曰君子人也還之彊悍不逞之徒猶知敬  
服如此可以知先生矣先生旣沒之四十年介  
子汝和始撰事狀謁余文以識其墓蓋予竊高  
下風之行久矣投老荒邨其地爲杞國故虛人  
多固陋莫可與言每東望岵峯輒思得賢如先  
生者而從之游又何敢以文筆衰茶爲解故序  
次其說使鑱諸樂石庶後之仰止景行如予者  
亦可有所考信也

首尾皆于閒澹處見文情



澤州集

卷

樹樓

李伯子墓碣

李伯子諱其晟安丘峯山里人太守諱遷梧之  
曾孫處士諱三祝之孫孝廉諱涵之子母辛孺  
人伯子少具夙慧有成人之度無子弟之過年  
十五遇寒疾傳爲衄衄以卒卒十年予始娶其  
妹吾妻旣長猶見家人思之無異初沒也吾外  
舅之言曰子孫之才不才皆繫乎天故兒旣出  
就外傅便不復閱省比其亾也料簡故笈見所  
作經義然後知其爲吾家佳子弟吾外姑之言



曰兒處家庭不見有異但覺平日所行無一事  
逆余意者吾妻每向予述之辭多嗚咽吾妻旣  
亾之十年內弟其曉過予曰余有長兄君所知  
也以時日之無良喪葬草猝至今尙在淺土無  
以識之再傳而後已朽之骨且蕪沒於空煙翠  
樹間矣欲乞子一言鑱諸墓上恐於銘法無當  
也予應曰人之所以爲人者學與行耳今觀父  
之所嘗稱者可以知其學觀母之所嘗稱者可  
以知其行學行淳備生人之道盡矣烏乎伯子

之所少者。惟年耳。闕茸之徙。晏安茶粥百年。鼎  
鼎朝露同晞。原情比迹。求應銘法者。吾知其在此  
而不在彼也。伯子以天啟丙寅生。以崇禎庚辰卒。  
葬于下坡西南黃阜之原。康熙己卯六月。幾望妹壻  
張貞書其碣。



涪州集

卷一

樹樓

李季子墓碣

余九歲而孤終鮮兄弟見人兄弟羣游輒噓唏  
嘅嘆以爲生平無此樂也少長每遇嘉慶過外  
舅李公家與其諸郎錯互杯杔笑語終夕意戀  
戀不忍去以爲生平未有之樂庶幾藉此以寓  
友于之思乎自吾妻來歸其季弟其曙裁二歲  
耳乳媼劒之閒日一來省其姊余卽誘之作童  
穉語以爲嘻笑舛角就吾家塾讀書與余長子  
在辛同研席季子肌肉玉雪睂目明秀且賦質



聰穎書一再讀輒成誦然喜娛游不耐靜坐塾師督之威以夏楚弗顧也在辛忽病癥結召醫眎之季子固無恙也戲令同出受診以試醫之能否醫言在辛病雖惡能蚤從事可活若季子者不治家人方共笑其妄無何而在辛痛又無何而季子病竟不起寔康熙壬寅六月十五日也距生順治丁亥九月十八日年僅十六以其年八月葬下坡邨北之阡季子亾後七年而仲兄沒又一年而父沒又三年而母沒又十六年

而吾妻亦沒。惟叔兄其曉在。然亦已老而衰。居  
恒鬱鬱。多往來余家。興言及此。必噓唏慨嘆。仿  
佛余當年意中事。故謁文紀述。欲以紓其脊。令  
在原之痛。抑知強爾操筆。亦足潸余身世無窮  
之悲耶。以旣識伯子之藏。因不復次其世家云。  
康熙三十八年六月旣望。姊夫張貞撰。

李伯子季子二碣文語語情至。讀之令人欲  
涕。



澤少集

三

樹樓

敕封文林郎山東青州府臨朐縣知縣呂

公行狀

公諱襄袞字亮公世家直隸大名之長垣明初有兄弟三人居城西小張邨其諱城蒲者徙城南夾隄是爲公始祖譜牒散落世次遂不可紀數傳爲公高王父諱棠棠子諱志志子諱兌皆隱居不仕修忠厚長者之行兌生三子季諱永樂以子貴累贈奉直大夫爲公父娶于支暨娶王再娶史皆贈宜人奉直公生四子長夢業次



成業次補袁官禮部儀制司員外郎公與儀部  
公同爲史宐人出竝生而穎發競爽家塾年十  
二卽能屬文見者皆知其非凡器矣奉直公以  
資產分授諸子公與儀部公獨不忍析箸復共  
爨數年儀部謂公曰我祖父累世積德應食其  
報我兩人固用志不分然指衆而寡聚畜恐無  
以供膏粥費吾弟有綜理才田園闢茸其甃營  
之耕讀難兼無兩誤也公諾之儀部公由是得  
安心問學崇禎己卯遂補郡弟子員旋食廩餼

亡何遭奉直公之變。公朝夕辟踊喪葬。傳禮順治戊子。儀部公舉于鄉。己丑捷南宮。公復理鉛槧之業。攻苦下帷。雪屋寒氊。不少假易。赴郡試。卽冠其曹。耦督學朱公。激賞其文。拔爲大名府學生。公奉母搢臂嚙指。曲盡孝養。更以餘暇。畱意田業。條理擘畫。斬斬有法。儀部公宦游十載。忘憂內顧。公之力也。己亥甲辰。伯仲兩兄接迹棄世。含歛衣衾。悉自營辦。不以析居分爨。後豐嗇隆殺聽諸猶子也。公方以骨肉殄瘁。觸緒悲。



涼。又。當。哭。母。哀。毀。有。加。幾。不。欲。生。幸。前。此。儀。部。  
公。以。太。安。人。春。秋。高。請。歸。終。養。得。與。晨。夕。風。雨。  
對。眠。倚。廬。共。處。天。倫。之。愛。閤。開。歎。羨。未。幾。儀。部。  
公。又。以。老。壽。終。公。徬。徨。不。可。愀。然。閤。默。傷。心。剋。  
骨。有。餘。悲。焉。公。痛。諸。兄。之。蚤。逝。也。日。進。猶。子。而。  
訓。誨。之。負。質。英。異。者。使。之。讀。書。力。不。能。治。生。者。  
俾。拮。据。家。事。用。是。子。姓。羣。從。上。之。就。功。名。次。亦。  
無。虞。伏。臘。者。伯。兄。亡。伯。兄。之。子。若。孫。亦。俱。亡。遺。  
曾。孫。才。數。歲。拊。摩。煦。嫗。無。異。已。出。竟。得。成。立。一。

爲太學上舍一爲邑諸生耕稼所獲生羨逾于  
舊。旁畝益拓。公教諸姝無父之子。常以夢克威  
至教其子。今主政立齋先生。則一以嚴毅課其  
誦讀。篝燈宿火。非漏下二十刻弗令息也。以故  
主政君童髻入膠庠。弱冠領鄉薦。主政雖在盛  
年。然懼公行業著於耳目。而名實不被其身。日  
夜思所以顯揚之。遂藉揀選以就選。人得山左  
臨朐。令辭行之夕。請所以治朐者。公戒之曰。爲  
民父母。務崇敦大。束溼之政。不可以臨下。凡事



當爲 國家計勿爲身家計。清慎勤之言是汝

三字符也。主政受命唯謹。抵任後數遣人迎養。公堅不肯赴。且遺書曰。汝能守吾言作好官。卽國之忠臣。家之孝子矣。豈必晨昏。下始足爲養哉。主政君在職。節用平稅。蠲役減刑。務有以衽席其長老。不五年而循卓聲。振中外。竟用理績殊異。內召爲 京朝官。雖主政之賦性誠篤克自振厲。實亦公式穀之訓。有以佑啟之也。甲戌五月主政君銜徵 命。便道過家。公謂君

曰汝可謂不負吾言矣。君眷戀庭闈，不忍去。公曰：吾幸健，若不以時自力報上知遇，恩無日矣。主政不獲已，乃行。至都，主政緣資俸稍淺，僅以部曹用人，爭爲主政。君惜而君顧私喜，自是得侍吾親矣。兼程返里，見公面色有異，問故。公曰：肩背微作酸楚，無他恙也。上元日，主政君猶促燕張，鐙奉觴上壽。家人相聚，笑言啞啞。越五日，體中小極。夜半呼主政，君曰：吾體素孱弱，平時惟操守過人耳。今登耄耄，揆之理數，不爲。



不足且一生事畢可無憾于黃壤矣端坐瞑目  
形神已離斯其所謂怡然委順者歟是爲康熙  
乙亥正月二十一日距生萬曆庚申七月十三  
日享年七十有六遇恩例 敕封文林郎如主  
政初任官娶李氏封孺人子男三人長非虎癸  
卯舉人初任臨朐縣知縣行取授主事娶成氏  
封孺人次兆熊貢生娶夏氏先公卒次兆祥國  
子生娶李氏暨娶蕭氏女子子二人長適癸酉  
舉人魏文琰次適候選州同知崔徵獻孫男四

人益謙貢生應舉益昌應選尙幼孫女五人曾  
孫女三人公天性純篤綴接戚族尤有恩義凡  
以急難告猝需尤求未嘗以無爲解宗人有以  
爭財欲赴官質成者公尼之曰阿堵細故一涉  
訟庭便成仇隙數世而上何人哉出資助之遂  
醪猜嫌與人交油油然卽田畷市叟以及童穉  
與顰敵禮譚諧間作推衿送抱纚纚不休晚歲  
家門駸駸貴盛矣擇木而陰循墻多畏仁心爲  
質老而益共故 敕命之詞謂其積善開祥義



方裕。後非公之賢。何以當之。無媿歟。主政君將以某月某日。窆公新阡。伐石以俟。鉅公大人之誌。若銘乃自草。行略不憚往返三千里。訪貞于家屬。狀其事。貞雖不識公。然主政君官臨胸鄰。于安丘。值令闕。君又以才攝安丘事。其廉公惠慈之政。寔皆稟公之教。是貞所親被者。不可謂不習公矣。何敢以荒落筆研。辭故攢撫。主政君所述件繫如右。謹狀。康熙三十五年三月十五日。年家子安丘張貞狀。

誥授光祿大夫總督福建浙江等處地方  
軍務兼理糧餉兵部右侍郎兼都察院  
右副都御史加四級朱公行狀

曾祖志高贈光祿大夫巡撫廣東等處地方  
提督軍務兼理糧餉都察院右僉都御史  
加五級妣劉氏一品太夫人

祖仲卿贈光祿大夫巡撫廣東等處地方提  
督軍務兼理糧餉都察院右僉都御史加  
五級妣劉氏暨劉氏竝一品太夫人



父美先封通議大夫宗人府啓心郎贈資政  
大夫大理寺卿加二級再贈光祿大夫巡  
撫廣東等處地方提督軍務兼理糧餉都  
察院右僉都御史加五級妣姚氏一品太  
夫人

本貫山東東昌府高唐州朱公年七十一狀  
公諱弘祚字徽蔭一字厚菴姓朱氏朱姓本出  
邾子國卽今鄒縣高唐地近之故知其爲公族  
也曾祖以來隱居不仕皆以行誼有聞于時兄

弟五人長諱光祚選貢生封儒林郎內閣中書  
舍人次諱昇祚副榜貢生次諱昌祚仕至總督  
直隸山東河南三省兵部尙書兼都察院右副  
都御史階光祿大夫諡勤愍次卽公次諱丕祚  
州學生早世公以崇禎庚午正月五日生于州  
里之居第當其始誕里人張蒙來告太公曰吾  
夜夢入東嶽廟見帝君閱簿云朱家積德生一  
舉人矣太公遜謝之公生值喪亂崇禎壬午  
王師徇山左勤愍公相從北去兄弟析家室



漂搖竄身南北。不常厥邑。順治乙酉。我

朝定鼎。始返故鄉。適勤愍公扈從入關。旋以假歸。家人復得相聚。丁亥。里有寇警。遂移居會城。於是朱氏又爲濟南人。及秋省父兄于都門時。桐城程太常一見奇其貌。曰。此國器也。能從吾游。當有以發之。公因請業其家。未期年而學成。明歲歸山東。遂補州博士弟子。年十九。舉戊子鄉試。張君之言至是而驗。辛丑。勤愍公巡撫兩浙。復總督三省。以八旗屯田事爲民請命。廷權

輔指被逮公相從請室視飲食臥起出則納橐  
餽訶緩急營救百端竟不免丁未

上親政復勤愍公官 諭祭 賜諡授享子大

理寺卿公之事始畢庚戌乃就選人爲盱眙令  
僅四年以治行卓異徵戊午授刑部廣東司主  
事庚申遷貴州司員外郎辛酉遷兵部督捕司  
郎中癸亥陞直隸天津道僉事乙丑晉直隸守  
道參議總理八郡錢穀丁卯 特命巡撫廣東  
都察院右僉都御史巳巳署兩廣總督事壬申



又命總督閩浙兵部右侍郎兼都察院右副都御史甲戌以大計繕疏失辭免歸庚辰奉

命分修南河九月九日夢于淮安之高良澗年七十有一公之居官也以廉勤自約敕所至有能聲初莅盱眙。知其所苦在徭役。卽爲正冊籍。清弊覈隱。使不偏累。無藝之征。竝耗銀悉除。歲爲邑省襍費萬餘金。俗尙氣好鬪。民間或詬詈。輒自殺。諍訟無已。公歎曰。是不可以柱後惠文治也。反復諭以律例。俗大變。且聽斷嚴明。兩造

之頃不數言而決咸搏頰稱快故終公任無投  
府辭者旱暵歲歉公已爲申請邀有蠲賑之  
旨公度民饑不能待公自假貸二千五百金煮  
糜飢之鄰封就食者常數萬人訖無流殍是時  
蝻生滿地飛蝗忽至蝻皆附翼以去歲則大熟  
有麥秀三岐之異督撫尉薦下詔褒之大計  
復舉卓異

賜蟒服尋以臺省闕人被徵入都時從子絳官  
大理卿應避親嫌遂補西曹發摘奸伏如神冤



獄多所開釋。律無成例者。亦參伍情法。衷而濟之。高下稱平。秦中有逆案。其所牽累應流者。身故無子。巡撫咨請。何以厝置。其妻公曰。按律謀叛知情者杖流之。獲罪旣同。則獲免不應有異。是後本人身死。有子者流。無子者免。遂著爲令。又有殺人者身死。其妻應戍。巡撫以其舅姑年老。請畱養。大司寇曰。例有子養親。亦有婦養親乎。公曰。卹及斃獨。朝廷法外之恩也。父母舅姑等耳。子與婦何擇焉。竟得畱養。旗人有典民

戶全家者。後易質劑。賄掌吏。竊印鈴之。將乾沒。  
爲奴公。取驗司城印曆。知其僞吏及旗人抵法。  
十三人皆得脫去。其矜愼庶獄。皆此類也。當任  
督捕僕區。法嚴告密。旁午一涉株連家立毀。公  
執法嶽嶽。使不得逞。保全甚衆。在天津時。有繪  
畫輿圖之命。撫軍才公俾領其事。公戒車疾  
出。東極海。西盡邊城。陟巉巖。陵迅湍。曉霜宿霧。  
不敢告勞。凡阨塞要害。名區殊竟。居人有自少  
及老。不能攬其奇。名其勝者。纖屑必錄。稱職方



善本焉。保定衙署舊設銀工用別真贋。其人多  
奸猾。且與蠹胥及舍人子內外勾連。索賄不至。  
雖精鏐。必爲再鎔。折閱無算。公曰。銀之美惡。吾  
自能辨。何須若輩。立斥去之。丙寅。命蠲直隸  
八郡賦部文誤遺宣府公。謂此亦直隸地也。爲  
申請。並蠲任縣水淹地七百八十餘頃。寧晉一  
千四百餘頃。皆請除其田租。地近。輦穀有應  
供。尙方及協運灰車等物。皆取辦。俄頃動數千  
金。悉爲釐正。裁革。陵工米豆。時直躡貴。內部

奏銷仍循成例致遵薊豐順諸州邑有司遺累  
代償或萬金或數千金至有不能保其妻孥者  
爲原赦獲免宣永諸郡兵餉舊撥順德廣平  
大名三府運給道遠期迫艱于奔命公請先  
借支道帑以大名諸餉補之公私稱便公歷官  
旣久聲蹟茂著不惟公卿推轂亦且簡在  
帝心故粵撫闕人卽以命公旨自內降不  
由廷舉陛見之日

上屢命之前霽顏清問公奏曰廣東要地大亂



初平臣肩此重任至彼當爲人所不肖爲不敢  
爲者以圖報稱

上諭曰大法則小廉源清則流潔要須從容安  
靜始終如一又召入內廷密諭良久賜廐  
馬以寵其行又錫千金爲行李費抵南雄首  
革庾嶺役夫役夫原無額設用則取里民充之  
恐不時集日係累數十人以待過客不勝其苦  
公勒石永禁並咨兵部使者出自有驛站公費  
不得于僱役外輕用一人先是粵東軍興芻茭

靡屨之需。征至百萬餘金。公亟罷之。臨高澄邁。吳川諸邑。殘于兵燹。邨舍爲墟。疏請蠲賦。以招徠之。流亾者得復其故業。鹽法之壞。由於藩下。奸人逆藩。雖平。其害猶烈。公分剖利病。以八疏入告。一革除陋規。一革除三年換阜。一量地撥引。以清壅課。一驅逐流棍。另募殷商。一巡緝私鹽。當嚴專責。一生熟鹽。引客從民。便一盤掣夾。私偷販。一酌定遠近鹽價。皆切中機安。衛所屯田。舊例每畝徵米三斗三升。公疏請照民田起



科止徵八升二事格於部議皆奉

特旨允行。藩司錢穀有成數而無條目。官吏得上下其手。公令設簿籍。絲分縷析。逐項剗記。多寡之數。犁然紙上矣。廣惠潮肇閒有駕舟行劫者。用藥迷人。殘殺屢屢。公嚴緝。莫獲。禱于城隍之神。不三日。其同伴自首。殲其渠而散其黨。又以他盜尚多。爲設五約以弭之。域內遂靖。公固嚴於緝盜。尤惡誣良以爲盜者。陽山阜商以倍稱之息。沒人子女爲奴。黎王璣輩糾結三十餘。

人入其家以快私憤。有司以盜論。傅大辟。公鞠得實。竟從末減。逆藩尙之信就平。逆屬已槩正法。奸民猶告訐不已。公上疏請嚴妄首株累之例。其略曰。當藩燄方張。投冒倚藉者實繁。有徒迨逆藩平定。經刑部侍郎宐昌阿來粵。察藩下人員應歸旗者。悉已造冊解京。冊內無名者。釋放爲民。二十三年兵部奉旨定南藩下官兵家僕及賈易人等。除真正遼東舊人及價買之人外。逐一清理發出爲民。臣詳繹前後。



詔旨無非以諸人皆朝廷赤子不忍株累且  
十餘年來或經補伍或已歸農或死徙徙地  
方官無籍可考乃奸宄之徒視爲奇貨非在部  
出首卽赴有司告訐牽引欺誣不可窮究及事  
得白而官民之被害已深敢請

皇上垂仁格外下部定議後遇此輩除不准行  
仍治以妄首之罪則率土官民益頌

天恩之浩蕩矣疏上得請人心始定有訐某詩  
文語觸忌諱者公察其作于前代法不應究立

焚以消文字之醜

上念公勤勞于外壬申秋

特遣內務府營造

司員外郎董君殿邦暘春苑總管李君煦至粵  
傳旨褒嘉勞問甚渥時以爲榮及總督閩浙  
飭營將整部武覈糧餉嚴扣尅東南壁壘一時  
改觀監司守令察有貪汙立挂白簡前後彈劾  
不下二三十人會兩浙薦飢有司議報富戶捐  
賑人情洶洶幾成大變臺灣孤懸海外土著之  
民多業耕獵往往爲奸弁侵蝕公皆嚴禁乃止



時有廣東撫軍及鹽使者互訐之案

上命公往勘。明年秋臺臣條陳太湖水利。

上又命公相視。報命悉稱。旨二役舊例皆

差部堂大臣。

上謂一時廉正無如公者。故特旨命之。未幾

以大計䟽內有地瘠民飢四字不稱。旨罷歸。

公雖退而家居。日以報

上恩爲念。丙子大兵北征。公輸馬贏二百餘

匹。以助轉餉。庚辰春奉有永定河急公之旨。

公一至都旋奉命分修南河地在淮安之高良澗公身自督理時常盛暑立烈日中不去七月大水居室漂泊公坐案上以待水消督修益亟積勞成瘡遂不起公爲人簡坦闊達矢口見臆望之毅然有不可犯之色中寔樂易不藏忤過卽自解樂取人善不啻如已出今中丞彭公鵬公知之在其爲令時一見卽語於撫軍于公論薦之遂成名臣居家極孝慈遭太公之喪執禮盡哀以致毀得疾幾殆及太夫人喪亦如之



其先兄弟羣從之急逾于已從子紋早孤撫之  
恩意甚備婚聘費至千金他子姪輩成就其功  
名昏嫁者非一人周給嫺戚故舊多至不可數  
性尤澹泊無聲色玩好惟喜讀書卽通鑑一編  
亦歲必兩周焉奏䟽書牘口占立就文移案牘  
皆目閱手批不假他人所著族譜簡而有法識  
者貴之公娶姚氏 贈一品夫人後娶蔣氏再  
娶王氏 封一品夫人子男五人綢候選部主  
事絳刑部貴州司郎中綱兵部武庫司主事九

齡鶴齡尙幼女三人長適候選州同知李庭蕙  
次未字再許字孫叔讓孫男五人崇簡崇道崇  
謙崇勲崇敬女九人皆幼公薨之明年卜以十  
二月初九日葬高唐之先塋諸孤以貞與其兄  
弟論交最久知公家事宜詳因出行實俾次爲  
狀將請碑銘傳贊於當世立言之君子且以告  
諸太史氏貞不得辭遂歷叙其履官行已出處  
始終之大節著于篇謹狀康熙四十年九月乙  
酉朔安丘張貞狀



淳少集

二

樹樓

中條貫龐襍却敘次有法

韓懷西行狀

韓君懷西卒之七閱月葬有日矣其孤知柔衰  
經踵門屬余爲狀曰將藉以乞誌銘值余南游  
未及撰次比其反也復請不已曰將用以備家  
乘遂不獲辭君諱從周懷西其字先世自棗強  
徙安丘遂爲邑右族代有顯者君高祖諱守廉  
封承德郎尚寶司司丞曾祖諱必大諸生祖諱  
應奎登仕郎城固縣主簿崇祀鄉賢父諱麟士  
字宣榮諸生娶于李實生君賦質岸異至性天



植生當明季多事之時壬午大亂兵侵二東宣  
榮公挈家辟地琅邪寄君外家時裁八歲晝對  
外姑強爲驩笑思親夜泣枕席嘗溼身在圍城  
中外家治醪肉糗餼以犒降卒君親齋乘城流  
矢雨集神色自若人皆異之明年三月干戈少  
息父母歸來相聚亡幾而母竟以疾卒宣榮公  
旣失偶家人生產無意訾省田園闢茸悉以委  
君君綜核家乘斬斬有法父器其能甲午父復  
捐館舍男女幼稚撫育昏嫁恩意甚備又念先

人晚更喪亂家業日圯幾不能保有敝廬于是  
悉力營辦不自暇逸拮据數年始復其舊君入  
世雖深而讀書未嘗少輟雖屢挫場屋而不肯  
苟且以就功名年甫四十卽謝去帖括業退耕  
石埭邨出以畚犢柴車歸與鄉父老較陰晴  
問禾黍他無所縈懷抱也性喜藝鞠庭中歲植  
數十本每當秋杪異香竟室君白恰單褕娑娑  
其閒或親串過從迎之花下割鮮醺酒相對忘  
疲君旣於業不利居恒邑邑故尤勤於教子延



禮者儒以爲之師取古今文字挾摘其最精者  
標識書額程課之不少借又手所書四子解義  
數十冊示之曰吾昔在家塾寒鈔暑講不敢告  
勞汝曹爲學可唐捐歲月乎長子知柔以高材  
生膺拔萃貢君猶及見之亦足慰矣君晚年苦  
肺秋冬之際卽發欬喘憊憊不支入春而止甲  
戌七月遇母弟之喪哭泣過哀宿疾頓加病與  
日積遂至不起寔康熙己卯正月廿九日也距  
生崇禎乙亥九月廿六日得年六十有五以卒

之歲十一月初二日葬于城南先塋之次娶王氏子男二知柔戊寅拔貢生知剛業儒女一適諸生劉肇熈孫男二悃恂孫女四余之祖姑爲君曾祖母中表之戚世篤情好且比屋而居炊煙相接知君獨詳而有懲於世之撰事失實易至誣罔故就知柔之言去其貲屑者以爲狀而未嘗有所附益也謹狀康熙三十九年正月晦日同里張貞狀

得班孟堅直敘法



沈少集

三

樹樓

漁洋先生放鵬圖贊

五緯麗天。苾寒色潔。六經垂世。日懸星列。先生兼之。雄文大節。人方仰爲建時之斗杓。

上且倚爲濟川之舟楫。而先生澹然歸興。忽發是殆反莊生之言。心居江海。身在魏闕者歟。

周雪客持盞圖贊

筆走風雷。名傳海甸。混迹塵中。龍蛇百變。或問周子。胡爲乎忽行脚。而持盞曰。斯人也不貫罄折達官之門。尙可乞食歌姬之院。



遠游圖自贊

時年六十有四

卦氣已全性猶樂託寧。了如蠶吐絲。自縛既不能。乘萬里之長風。又不能駕九天之野鶴。且與一繭草。任他到處行脚。

以趣勝得蘇黃之意

藜杖銘

藜以爲羹亦用作杖羹果予腹杖則予相杖乎  
杖乎不自立而恃汝恐難免於行步之跌踢

格言



澤少集

正四

樹樓

祭曹實菴先生文

維康熙三十七年歲在戊寅十一月初四日

皇清誥授奉政大夫禮部儀制清吏司郎中實菴曹先生卒於里第姻弟張貞於未斂之前已服深衣哭先生於牀旣斂之後復制朋友之服哭先生於殯宮迨歷三旬又率男在辛在戌在乙暨孫壯輿敬輿扶輿重輿簡輿岱輿爲文章寓絮芻而告先生之靈曰嗚呼先生遂不起耶理數可憑今竟不可知耶天道無親常與善



人前修之言亦不足盡信耶。既而思之。先生蔭藉高華。才名奕奕。領解額。登甲科。敷歷內外三十餘年。位躋容臺。秩列三事。兒孫繞膝。壽考令終。先生之得於天者。不爲薄矣。獨是余與先生戚誼。交道。有出于尋常締結之外者。何能已於悲耶。余初識先生在學。詩誦勺之年時。余門祚乍衰。觸境多畏。見儔人廣坐輒思引去。君家兄弟初露頭角。嶄然自異。邑人望之以爲秀出天外。不呼梯接。乃獨與余有水乳之合。每一聚晤。

促。剝。引。手。移。日。分。夜。既。講。同。人。之。好。復。締。兩。姓。  
之。歡。熙。熙。怡。怡。白。首。無。間。曹。張。之。交。論。者。以。爲。  
有。終。始。也。憶。丁。未。首。夏。先。生。需。次。里。居。結。伴。南。  
游。汎。棹。長。淮。艤。舟。邗。上。時。四。方。名。士。多。僑。寓。其。  
間。投。紵。贈。綃。論。交。甚。衆。相。與。登。紅。橋。過。竹。西。上。  
下。平。山。堂。盤。輿。畫。舫。匏。尊。竹。杪。歡。聚。月。餘。始。各。  
散。去。是。後。經。行。其。地。痛。良。朋。之。遽。往。歎。勝。踐。之。  
難。逢。又。何。能。不。悲。耶。歲。庚。在。戌。先。生。筮。仕。中。翰。  
倖。直。禁。中。旬。日。休。沐。用。其。暇。以。讀。書。所。養。愈。淡。



而詩亦加工又與諸僚友迭吟遞唱一時有十  
子之目壬子余以選拔充賦入都先生以余名  
譽未彰爲游揚於公卿間至今猶有知余姓字  
者先生力也乙卯秋余下第東歸先生搯掣累  
日賦詩贈行有故交失意明朝別孤燭離筵此  
夕真之句先生朋友之義至是極矣又何能不  
悲耶乙丑先生同守新安又三年余悼亡傷逝  
家居無聊買舟南下羈棲白門先生聞之遣平  
頭挾資斧邀余爲黃山之游余雖未赴而先生

之意厚矣。亡何先生內擢版部，旋進秩宗。余以老病，崔嵬褻足，不入長安尺一之牘。歲必數至，當其官南宮也。以在中書日久，朝章國故已極博綜。故居儀曹，深諳典禮。宗伯取裁焉。郎潛五年，以才望推擇，視湖廣學政未赴，而宿疾頓增。遂免歸。先生雖以病歸，猶與余晨夕過從，杯酒言歡。維歲之春，又與劉馬諸君修雒陽九老睢陽五老之會。不肖如余，亦相招入社，坐無拘忌，不限醉醒。方謂此樂可常孰意，追隨未幾，典型



忽遠豈不尤可悲耶。嗚呼先生已矣。余邈焉寡  
儔。書有疑義。誰與共析。壺有名酒。誰與共斟。蘭  
時蕭辰。誰與共賞。東阡北陌。誰與共游。哀樂互  
乘。誰爲可語。緩急時有。誰爲足恃。興言及此。匪  
木人石心。何能不噉然其一哭耶。涕泗之餘。寔  
難閔默。欲爲長些大招。而不能。欲摘詞拈韻。而  
無暇。因略述交情。告哀楮幕。先生有靈。或能鑒  
此悃誠也。耶。嗚呼哀哉。尙饗。

悲愴刺骨

畫畫換米說

余游白門。知其地世家以文獻稱者。惟顧氏爲最。蓋有司寇華玉。憲副英玉。兩公並興於前。復有明經與治先生。隱起於後。文采風流。祖孫相望也。余景仰其人。常有生不同時之歎。偶從衆中得識其後賢友星者。則與治先生猶子也。落穆穆如秋水。遠山工詩善畫。確有家法。遂與定交。一日過其種紙菴。在青谿籊步之間。坐譚良久。友星作而言曰。八口之家。所恃惟粥。惺也。



衛·生·苦·拙·畊·不·逢·年·將·學·晉·文·之·種·米·乎·抑·效·  
魯·公·之·乞·米·乎·冀·指·困·之·賑·則·無·公·瑾·之·友·朋·  
希·百·斛·之·贈·又·無·休·文·之·宗·黨·欲·虛·索·于·長·安·  
折·腰·于·五·斗·則·滑·稽·不·如·東·方·畏·榮·更·甚·泉·明·  
矣·智·窮·力·索·不·得·已·而·思·畫·畫·以·換·米·不·識·有·  
當·於·理·否·余·應·之·曰·子·之·志·卓·矣·子·之·論·淡·有·  
會·於·余·心·矣·以·子·之·才·求·名·於·朝·不·難·躋·身·通·  
顯·求·利·於·市·素·封·亦·可·立·致·乃·方·介·自·約·徼·靈·  
翰·墨·但·營·一·飽·無·復·餘·念·居·然·古·人·家·風·矣·吾·

聞古之安貧守道者如麟士之織簾伯休之賣藥孺子之磨鏡桃椎之結履是皆有以自老無求於人者以此方彼我不知友星古人中誰比也於乎能學古人卽其所以不隕家聲者歟故爲是說以勵之

小題文字澹宕可誦



東坡先生詩集卷五

遊靈隱寺

東坡先生詩集卷五

東坡先生詩集卷五

東坡先生詩集卷五

東坡先生詩集卷五

題

文介先生張公私諡議

粵稽諡法肇自有周然論行以賜其權操之天子而私諡者又以補王制之所不及也先民有作媿慝兼稱近世優卹勞臣獨存善善士大夫功名著於朝廷德教沛乎閭閻者生班爵祿死錫嘉名崇獎風厲於是乎在若夫山澤之臞東修自好韜鍔含章雖有絕人之行君相不及知有司莫以告徒令風人志士寤歎憶慕于草叢木隕聲銷影滅之餘欲表揚以爲激勸其道無

風流如美  
秀色可餐



說得煞有  
關係且照  
應無迹

繇不得已而爲私諡之舉黔婁之康展禽之惠  
陶潛之靖節孟郊之貞曜王通之文中蕭穎士  
之文元或出於妻或出於友或出於門人要皆  
不可不謂之私乃儼然與國家飾終之典竝垂  
天壤而人亦無有非之者故曰私諡者所以補  
王制之所不及也東武文學張向華先生厭世  
幾五十年里中薦紳學士咸思慕不忘徵諸國  
人詢於介衆爰倣古人私諡之例以文介易其  
名而屬貞爲議先生固一世之賢者也生而奇

穎博通六經旁及子史曉風夜雨沈冥其中壬  
午之冬齊魯大亂先生避地溪山一日鐵騎突  
至有段生者屏息草石閒騎方退尙心掉不自  
禁旋聞吾伊聲起眎之則先生支坐簡帙也其  
處顛沛如是況平居乎諡法所謂敏而好學者  
可以無愧矣其伯兄九華塲無子宗老議令先  
生次子侗爲之後先生不可曰有侃在雖遠出  
可召歸蓋侃爲先生仲兄子年又長於侗遂立  
之邑人程生許以女字侗女疾失明程自欲離



昏先生覺之。每將有言。輒醉以酒。竟不得語而止。諡法所謂執一不遷者。非歟。合是二美。先生之平生盡矣。諡以文介。誰曰不宜。謹議。康熙三十八年冬十二月乙丑朔安丘張貞述

散散寫來。如不經意爲文。而起伏開闔照應之法。無不悉備。是謂至文。

李漁邨

文介先生安公私諡議

康熙四十年三月癸卯選貢生待贈承德郎戶部湖廣清吏司主事壽光安靜子先生卒於里第遠近薦紳大夫及博士弟子以至廛井農賈聞之靡不傷悼走而弔哭者屬路不絕旣歷三旬又相聚而謀非易名無以槩其生平而致其尊崇之意敬擬私諡曰文介蓋法所謂敏而好學執一不遷者也嘗攷文之義多端介之義亦不一獨取此二者以其近也先生天資卓犖



十三能文十八補邑諸生試屢冠其儕偶二十  
七膺拔萃貢場屋之文彌工十五舉而不獲售  
自知數奇遂極意於金石竹素之業詩根柢摩  
詰文規撫廬陵書未嘗須臾離手倦而就臥亦  
必挾策睡去便墮枕旁醒復縱觀遇操觚始起  
居研北耳莫年學日富名譽日起世皆屬趣而  
悅之長歌短吟若順風以呼碑版卷軸不脛而  
馳四方自山以東無不知有靜子先生者嘗褒  
所著紀城詩彙紀城文彙玉磴集螭音各若干

卷梓行人間讀者謂其奇聳健拔脫凡化腐敘  
事寫物間見層出偉然成一家言非謏聞目學  
所能覬望傳之後世不卜可知也夫是之謂文  
方先生之貢太學也就選人格當得州縣官先  
生夸然弗屑也退耕於野著書自娛一時監司  
守令高先生之行多折節下之康熙癸卯櫟園  
周公以少司農出鎮青州先生受知尤溪邀致  
衙齋動至彌月先生於談藝外無所及私愈益  
嚴重先生以爲賢而先生用是益貧長君雪園



子丑聯第。挾藻石渠。牽絲郎署。駸駸顯重矣。先生器服不改。宅宇如舊。唯於舍旁構草堂三楹。宇曰晚讀。夾窗助明。書帙離列。與中子賓講習。其間迭吟遞唱。風發泉湧。少焉擲筆酌酒。自勞又復叩擊經史。提緯古今。人世榮利之事。曾不挂其頤頰也。夫是之謂介。文言學介。言行文見乎外。介兼乎內。體用之謂也。昔陳太丘用文範著誅。陶徵士以靖節播徽。前修已事。亦旣彰彰。卽近如吳公萊爲書院山長。不登仕籍而學。

士宋公濂輩爲議以諡之貞雖僻固狹陋愚賤  
無徵然詢謀僉同寔出懿好聊存三代之直可  
補太常之闕矣謹議四月十有五日常郡同學  
弟張貞述

體極典則句自適逸



澤少全

三

樹樓

題觀稼樓詩

予以康熙甲戌讀稼邨楓香集歎爲奇作序而  
歸之更七年過綠玉堂稼邨出觀稼樓新詩相  
示又索弁言予反覆誦之意氣跌宕筆墨馳騁  
天風海雨之氣逼人較作楓香序時胷中眼底  
另一意致然後知天下事進境無窮不覩此冊  
便謂舊本已足佳觀三諷新篇又覺前序未爲  
定論鹵莽撰述復貽後悔矣聊署紙尾請俟數  
年稼邨讀書益多用力益厚詩學大備再取其



成籍而論次之。或尙不遲也。歲在庚辰中元前三日。杞田耕者張貞識於厚書菴。

題鐵岩遺墨

嚮從人家屏幃上見鐵岩先生渲染小景。沖澹簡遠。意在筆外。今年客青寓園。蕭寂吾友章夏忽攜山水一卷見眎。分布構結。紆徐掩映。全得南宋遺法。余嘗挾短筇入秦亭山。於夕陽欲下時。遠眺近矚。峯巒秀潤。竹樹蒼莽。恍然此卷之在目。阮亭先生跋尾謂賢者固不可測。誠知言。

哉章夏熏習家教翰墨風流前後輝映每得名  
公一縑片素重若璵璠。況此爲先人手澤所存  
無異鄭公之遺笏。衛公之故物。當與天球大貝  
同其護持。微但如賈相所云永興廟堂爲青箱  
至寶而已邪。康熙乙亥夏五牟山張貞識

題朱子青所藏瓜果畫扇

余庚辰燕游道出歷下坐朱君子青紅蕤室見  
便面所畫瓜果不知爲誰氏筆。然寫生之妙不  
減田水月時維初夏草木尙未結實。展開數過



食。指。欲。動。計。六。月。末。旬。可。返。杞。城。邨。莊。固。饒。此。  
物。淪。以。寒。泉。香。沁。齒。牙。足。慰。老。饕。矣。四。月。十。三。  
日。杞。田。耕。者。張。貞。識。

題姜勉中扶櫬圖

前禮科給事中姜貞毅先生爲余叔父侍御公  
同年友以時相竊柄抗疏拜杖謫戍宣州衛未  
至而國難作先生猶恪守成命不敢歸故鄉竟  
死江南二子安節實節既遵遺戒葬之戍所安  
節復自萊陽遷母隕合祔敬亭跋涉險阻歷數

千里面鰲足。繭備極艱辛。始克竣事。一時皆稱其孝。吳人作扶輦圖贈之。更爲詩文以紀其事。今觀圖中。素旗前指。輅車首塗。安節步從。牽牛攀輶。麻衣雙淚。哀容宛然。攬者涕下。畫棺於冊。古無此事。考之近今。林古度傷亡友袁孟逸之。暴棺荒室也。圖其破屋敗棺于扇爲之。募葬遂得歸窆。古度之葬友義也。安節之葬母孝也。惟孝與義感人最深。見者自能興起。當不止如觀北風雲漢兩圖。僅能移人寒熱而已也。康熙乙



亥十月庚寅朔牟山張貞書於吳郡西城橋之  
寓樓

先府君遺墨書後

諸葛忠武一生志行在澹泊寧靜四字故既用  
以自修卽用以垂訓先君子好手錄之人間合  
有數本此書於癸未六月爲最晚年筆一日得  
之故篋捧玩手澤如覩慈顏因勒石龕壁以當  
庭誥云康熙丁丑七月壬午孤貞拔淚謹識

先叔父侍御公手書且園歌跋尾

且園歌吾邑張幼美先生自詠其園居者也先生仕止憲副而磊落曠達著聲萬曆中讀此亦可想其爲人矣先叔父侍御公少好書之余目中已見數本先生曾孫光岳偶得此冊於馬氏輒手自櫚刻出以示余筆意適逸勁爽神采飛動覺其詩益廩廩有生氣譬諸空侯不有玅指誰發玅音傳之世人猶稱二寶在吾兩姓當什襲以藏時寓羹墻之思可與尋常詞翰埒乎康熙四十年夏至後五日貞謹識時年六十有五



跋安靜子所藏櫟下先生手簡

康熙癸卯甲辰閒司農周公建牙青社凡士之  
懷一才抱一藝者皆被物色余與靜子受知獨  
潑公之書問月必再至靜子暇日裝緝成帙出  
以示余追憶真意亭雅集儼然未散而司農公  
下世已二十四稔當時賓從亦晨星落落不及  
觀射矍圃存者之多矣摩挲蠹簡可勝慨歎乙  
亥夏至後三日安丘張貞謹書

跋匏翁家藏集

吳文定公全集二十冊購於廣陵市中詳閱之  
原詩詞襍文共七十卷今闕卷八至二十六  
至十七皆詩也余最愛其文而文獨完足矣康  
熙乙亥七月十八日桐陰書屋識

此書辛未秋日已落余手以失七卷爲不全本  
還之癸酉重來仍減直歸余物之得失洵亦有  
數哉園叟再記

跋文泉子

右文泉子一冊舊曾假謝方山比部鈔本讀之



遂錄置巾箱中不復省覽已餘十年已卯四月  
向壽光安君靜子借書遣日得韋莊李翱皇甫  
湜孫樵劉蛻五家集因取鄉之所寫與劉集相  
對讎校補其逸遺正其訛謬始成完本二十四  
日杞園老人識

跋王給事雨發德州見寄詩

古驛荒風草欲枯  
衛河朝雨淨征途  
何來白鶴橫空下  
不覺青林入看無  
大野水雲連海嶠  
炎天道路向蕃禺  
故人饒有幽居樂  
想像茶煙出

瓦鑪

康熙丙辰余與邵陽王幼華先生定交都下道義相許情好日深甲子夏先生典試粵東有途中見懷之作未及却寄而先生下世乙亥秋杪余游吳門中丞漫堂宋公出此示余披讀一過不覺淚灑行閒恍然少陵得高蜀州人日見憶詩情事亟錄便面以識知己但恨無才追酬有負亡友耳牟山張貞十月一日雨中游虎丘歸燈下書



跋紫柏老人集

有明三百年來釋氏之得法能文稱大宗師於  
彼教者唯憨山達觀蓮池三數人耳庚午冬日  
游清源大寧寺獲紫柏集五冊乙亥南游又得  
三冊于姑蘇市上遂宛然爲干莫之合離列案  
頭值人事膠葛時一繙閱無異甦脫熱沙中受  
四禪天甘露酒矣康熙丙子重午日張起元書

跋書課卷

右余書課一卷首段爲戊午春日寫自是歲書

一二則或三數則至乙丑七月始獲盈紙八年  
之迹歷歷在目而前後筆法不甚相遠真六一  
先生所謂學書如湣急流用盡氣力不離故處  
者可以一歎康熙己卯四月四日檢付兒子在  
辛收藏因識卷末時年六十有三

跋王司直篆書豳風七月詩

余性喜篆岐鼓嶧碑而外於漢好張平子碑於  
唐好碧落碑以其淳厚朴茂古意猶存非後人  
所能仿佛也司直天資最高翰墨種種皆有別



趣偶用篆體書七月詩八章便多子玉惟正遺  
法倘用志不分自可追婉籀斯崔陳諸公聊借  
爲驛騎焉可矣康熙乙亥大雪日牟山張貞題  
於秦淮水榭

跋張又安臨輞川圖卷

古來圖邨居者以盧顥然草堂王摩詰輞川爲  
最勝草堂圖吾不得而見之矣唯郭恕先所模  
輞川石刻猶存但恨雖具形似而昔人之稱意  
出塵外怪生筆端者絕不可得適張子又安與

余同寓白下承恩僧舍出手撫輞川畫卷乞跋  
觀其匠心經營細入毫髮而烘染皴皴不失分  
寸。我不知去原本幾何以較石刻真。所謂優孟  
抵掌尙近王孫隆準者。右丞有靈亦當披雲一  
笑也。康熙乙亥小雪日渠丘張起元云。

盧鴻乙草堂圖戊申歲曾於京師見之有道  
君宣和御筆今不知歸誰氏矣。



蘇宣味喻筆今不味韻韻其矣

蘇宣之草堂圖其申數會外京朝其之休復

矣也東照之支小雲日樂立雲其云

其堂向我王蘇到筆其云其雲其雲其雲其雲

其雲其雲其雲其雲其雲其雲其雲其雲其雲其雲

其雲其雲其雲其雲其雲其雲其雲其雲其雲其雲

其雲其雲其雲其雲其雲其雲其雲其雲其雲其雲

